



ГУЛШАН

(АЛДАНГАН АЁЛНИНГ АЛАМИ)

9.

Мавлонни узок кутди. Бир неча кундан буён йўлига кўз тикади. Танишларидан битта-яримтаси кўриб колмасин деб, кадам товушини эшитибок юзини деворга буради. Мавлон атайин килгандай, бу ёкларга келишни ҳам ўйламасди. Ишхонага борай деса, жувоннинг гурури йўл кўймайди. Кайси юз билан учрайди? Ахир, Мавлоннинг уйига кўчиб ўтганига уч ой бўлмаёк ишини йигиштирган-ку! Иннайкейин, Мавлон ҳам айтмайдими, чидолмабди-да, деб. Аммо, барибир, хозир Мавлонни жуда-жуда согинганини, унинг кизларникидай ёкимтой чехрасини, куч-гайрат уфуриб турган гавдасини, киликлари ва эркалашларини, суякларини кисирлатиб кучишларини интик кўмсаётганини, уни асло унутолмаслигини кўзлари фош этиб турарди.

Нима килсинки, шу билан иккинчи марта ўз бахтига ўзи зомин бўлди, огзидаги ошни олдирди. Бунга бошқаларга ўхшолмаслиги, шаъни ва гурурига тегилганда чирсиллаб кетиши сабаблигини яхши билади. Рахим билан ажрашиб кетганига унча ўкинмадию, аммо Мавлон акасининг уйдан кувилганини сира-сира мясига сигдиролмайди. Хар куни кўчага чикиб ўша таниш уй олдига кандай бориб колганини ўзи ҳам сезмайди. Мавлонни бир кўришга зор, келишини интик бўлиб кутади. Кани энди хозир рўпарасида пайдо бўлсаю, икки елкасидан кучганича: "Кечир, Гулшан, сени бекор хайдабман, кайт уйга!" деса. У содик итдай эргашиб кирарди. Килмишларига кечирим ҳам сўрарди. Ахир,

хаммасига ўзининг кўрслиги сабабчи эканини билади.

Бир хафта олдин Тамара "эринг бошқасини топиб олибдию, сен бу ерда араз килиб ўтирибсан" деган гап топиб келди. Нима дейди унга? Аллақачон ора очик бўлганини қай тил билан айтади? Хамма нарсадан умидини узиб, тақдирга тан берган Гулшан Тамаранинг гапидан кейин халоватини йўқотди. Эрининг янги маъшука топгани юрагига ўт ёқди. Аввалига бу рашкмикин, деб ўйлади. Аммо рашкнинг ўзи эмас экан. Мавлонга каттик боғланганини, усиз бир кун ҳам яшай олмаслигини, агар мухаббат деганлари шу бўлса, чинакамига севиб қолганини энди тушунди. Авваллари, Мавлон хафталаб қорасини кўрсатмасам ҳам бунчалик соғинмасди. Каттикрок гапирса малол келарди. Ташига чиқармасаям ичида оғринарди. Хозир Мавлон сўкса-урса ҳам, итдай хўрласа ҳам, иззат-нафсига тегса ҳам – барча ситам ва маломатларга тайёр! Факат яна ўша умрининг энг яхши соатлари ўтган шохона уйга чорласа, кифоя!

Лекин, минг афсус, у уйга янги бека хўжайинлик қиляпти. Тамаранинг айтишича, Мавлоннинг маъшукаси Гулшандан ёш ва гўзал эмиш. Иккови қўлтиклашиб келаётганини Тамара ўз кўзи билан кўрибди. Гулшан буни эшитиб, алам ва рашқдан вужудини оташ чирмади, бошига гурзи тушгандай оғрик кирди. Сал ўтмай ўзига тасалли берди: "Ахир, ўзинг айбдорсан! Эраққнинг гапини кесдингми, назаридан қоласан! Айникса, иккинчи хотин бўлсанг. Айтишади-ку, "иккинчи хотин эраққо, лекин омонат" деб. " Ахир, йўлда қўшилган йўлда тушиб қолаверди-да!"

Тушуниб бўлмас хиссиётлар уни кўп эзди. Уйқусидан халоват кетди. Баъзан ярим кечада муздай кўрпага ўтирволиб, бошини қангаллаганича ўтган кунларини бир четдан кўз олдига келтиради. Нега атрофдагилар бахтли, фаровон, ахил яшаяптию, Худо унигина бахтдан қисган? Ё хаммасига ўзи сабабчими? Эҳтимол, хавойи орзуларга учмай, Раҳим билан яшайверганида бугунга келиб бунчалик хўрланмасмиди? Мавлон билан ҳам бир чиройли кун кўришаётган эди, нима айнитди? Ё Гулшан Мавлоннинг маъшукалари рўйхатида аввалию охири эмасмиди? Балки Мавлон уларни бирор бахона билан тез-тез алмаштириб туришга одатлангандир? Ахир, икки гапининг бирида айтарди: хамма нарсанинг отаси пул деб. Пул эрининг қучогида ётган хотинни ҳам чиқариб келади, дерди. Пулга амални ҳам, обрў-мартабани ҳам, аёллару дўстларни ҳам сотиб олса бўлади, деб кўз очирмасди.

Гулшан ўшанда бу гапларга унча эътибор бермаган. Мавлон мактанишга тушиб кетса, ўзига-ўзи тасалли берган: "Пул топгандан кейин қерилса нима қипти? Уч ой ўтмаёқ ишлатмай қўйди, айтганим мухайё, қизимни ҳам гоҳида эраққатишни унутмайди. Аёл қиши учун бундан ортик нима қерак ўзи?"

Факат бир йилдан кейин хаётининг кемтиклиги билинди. Бекорчиликдан зерика бошлагач, ишга кирмокчи бўлди ўшанда. Унинг ниятини эшитиб-эшитмай Мавлон жеркиб берди. Гулшан ўзини овутиш учун уйга чок олди, беш-тўрт танга топди. Аммо ичи ёришмади. Эрки ўзида эмаслигидан пинхона куйди. Факат Мавлон билан учрашувгина муносабатларини илтиб турарди.

Мана энди ўша кунлар ҳам холва эканини, Мавлон аллакачон калби ва вужудига сингиб кетганини хис килиб турибди. Таассуфки, хар доимгидай кўзи яна кеч очилди. Бўлмаса ўша куни Мавлоннинг гапини икки килмас, бир огиз сўзи билан бутун бахти ва ширин турмушига чизик тортмас эди.

Байрамиди ё эрининг тугилган кунимиди-аник эсида йўк. Ўша куни Мавлон уйга мехмон чакирди. Ичкилик билан, эркак-хотин аралаш ўтадиган зиёфатлар Мавлоннинг ховлисида эмас, асосан Гулшанникида бўлар эди. Ўшанда узок ўтиришди. Роса ичишди, ўйнаб-кулишди, раксга тушишди. Кейин мехмонлар бирин-кетин таркалишди. Охири сипо, кўзойнакли бир одам билан эри колди. Айтишларича, у ижрокўм раисининг муовини экан. Икки эркак ҳам гирт маст эди. Куй янграб турибди. Гулшан дастурхондаги пўчокларни йигиш учун хонтахтага энгашувди, бояги кўзойнак кўлидан махкам ушлаб олди. Жувон бир сесканиб, ликопчани кўйди-да, иккинчи кўлини охиста бўшатди. Шошиб эрига каради. У хеч нарса бўлмагандай бошини солинтириб ўтирар, ора-сира "бу ширин ёлгон ёмон" деб мингиллаб хиргойи килиб кўярди. Кўзойнак гандираклаб келдию, совук илжайганича индамай Гулшаннинг белига кўл юборди. Ойнак ортидан кўзларини пирпиратиб деди:

– Гулшанхон, хозир мен билан танца тушасиз!

Гулшан довдираб колди. Афтидан муовин хамиша буйрук бериб ўрганган шекилли, хатто раксга ҳам изн сўрамади. Мен билан тушасиз, деди. Гулшан нажот истаб Мавлонга каради. У хамон бепарво (эхтимол, ўзини кайфга солиб) ўтирар, муовиннинг сурбетлигини сезмаётганга ўхшарди. Ноилож колган Гулшан омонатгина раксга туша бошлади. Кўзойнак орик бўлсаям, тинмай пишиллаб, жувонга суркалаверар, белидан ўзига тортиб, кўксига босишга уринарди. Охири ракс бахонасида уни ётоқхонага сургади. Гулшаннинг нигохи яна эрига кўчди. Мавлон уларни сездирмай кузатаётган экан шекилли, Гулшаннинг кўзи тушиши билан ерга караб олди. Унинг ичкиликдан кизарган юзида жувон рашк газабини эмас, истехзо аралаш мамнунликни ўкиди. Балки Гулшанни синаб кўраётгандир? Ё уни бошлигига бир кечага тортик килмокчими? Аллакайси китобда шундай воқеа хакида ёзилган эди. Биттаси амалга миниш ниятида

никохидаги хотинини бошлигига кўшганди. Бу гаплар хорижда ўтган эди, шекилли? Нахот Мавлон ҳам ўзига шу ифлосликни раво кўрган?

Жувоннинг вужуди тугёнга кирди. Шартта кўзойнаклининг кучогидан чикдию ўзини ошхонага урди. Хўрлиги тутиб, пик-пик йиги бошлади. Орадан сал вақт ўтганда гандираклар Мавлон кириб келди.

– Ха, канжик, корнинг тўйиб колдими? – деди у Гулшаннинг устида ўдагайлаб. – Минг тавалло билан бошлаб келган мехмонимни шарманда килиб хайдабсан. Юсуф акамнинг бир имосига онаси ўпмаган юзта киз "лаббай" дейди-я!

Гулшан илон авраган бакадай котиб колди. Бу ўша Мавлон акасими? Нахотки нияти шу бўлса? Нахот ўзи ҳам шу даюсни деб кўз очиб кўрган эрдан кечди? Хаттоки бир буюмчалик кадри колмадимикин? Йўк, йўк, Мавлон акаси маст, огзидан чиккан гапларни ўзи ҳам тушунмаган. Йўкса уни бунчалик хўрламасди...

Эри яна бироз вақт сўкиб-жеркиб чикиб кетди. Кўп ўтмай, ётоқдан унинг гулдираган хурраги эшитилди. Гулшан эса ўз ёғига ўзи ковурилиб, деразадан мўралаб турган тўлин ойга, милтиллаган юлдузларга хасратини айтиб тонггача ўтирди.

Мавлон ўша кетганича бир ойда корасини кўрсатди. Уйга кириб хол-ахвол ҳам сўрамади, одатдагидай елкасидан кучмади ҳам. Ошхонада идиш юваётган Гулшанни маслахатли иш бор, деб чакирди. Рўпарасига ўтказиб, бирпас тикилиб турди. Кейин ўша машъум гапни айтди:

– Гап бундок, Гулшан... Уйни бўшатишга тўгри келиб колди. Бир дўстимдан вақтинча туришга олудим, энди ўзига зарурмиш... Сенга бир хонали уй топиб кўйдим, нариги массивдан. Керакли жихозларни ҳам олиб бераман.

Гулшаннинг тили анчадан кейин калимага келди:

– Хайдаяпсизми, Мавлон ака?

– Нима деб тушунсанг-тушунавер, – деди Мавлон токатсизлик билан. – Ўша кунги килигинг билан шунча йил топган обрўйимни бир пул килганинг етмай, яна хайдаяпсизми, дейсан.

– Ахир... Ахир... Нима, ўша куни ифлослик килсаям кўнишинг керак, демокчимисиз?..

– Тамом, энди ҳеч нарса демокчи эмасман!

– Ахир, гунохим нима, Мавлон ака?.. Сизни яхши кўрганимми, сизга содиклигимми? Агар жонингизга теккан бўлсам, унда очик айтаверинг, кетаман! Топган уйингиз ҳам керак эмас, кўчада колмасман.

– Бўпти гапни киска кил, дийдиёга вақтим йўқ. Мана янги уйинг калити, манави адреси. Ўз нарсаларингни олишинг мумкин, пулдан ёрдам киламан.

– Ҳеч нарсангиз керак эмас, – деди Гулшан аранг.

– Унда орамиз очик, – дедию Мавлон ошхонага кириб, деразадан ташкарини томоша кила бошлади.

Гулшаннинг устидан муздай сув куйгандай сесканиб тушди. Эрким ўзимда эмас, деб беҳуда кайгурган экан. Хатто уй ҳам, эр ҳам ўзиники эмас экан. Мана, хаммаси тамом! Уни итдай кўчага хайдашди. Кадрингни билиб кўй, Гулшан! Тезрок бу гуссали, миннатли уйдан жўнаб кол! Юрагинг аламдан тарс ёрилмай туриб тезрок чикиб кет! Хаммасига тупур, хою хашамларга ҳам, ўша ориятсиз Мавлонга ҳам – барига тупур!..

У хувиллаган янги уйда ўзига келди. Бўгча устига ўтириб олиб, ўтган хаётини сархисоб килди. Назарида Рахимга хиёнати эвазига кисмат ундан ўч олаётгандай туюлди. Ахир, рахматли бувиси кўп такрорларди: "Бу – кайтар дунё, илгари кирк йилда кайтса, хозир тўрт йилга хам колмайди". Дархакикат, мендан бахтли одам йўк, деб талтайиб юрган кунларидан буён тўрт йил ўтмасданок хаммаси чўлдаги саробдай кун-фаякун бўлди. Эртаклардагидай, каршисида тешик тогора билан колаверди...

Гулшан кўзидан калкиб чиккан ёшни рўмолчаси билан артиб, яна йўлга каради. Бирдан кувончдан, хаяжондан калт-калт титрай бошлади. Ана, у кўринди! Интик кутгани, жонидан севгани Мавлон акаси келяпти. Гулшан бир кадам олдинга босдию, истихолода тўхтади. Ахир, уни хайдаган-ку, орамиз очик дея камситган-ку! Нега яна унга пешвоз чикмоқда, парвозга интилган кабутардай талпиняпти? Ана, у тобора якинлашяпти. Хозир унга ўгирилади, кейин юзига табассум югуради. Одатича, Гулшаннинг тимкора кўзларидан нимадир ўкиб олмокчидай, киприк кокмай узок термилади. Аммо Гулшаннинг хаёллари тўгри чикмади. У ўтиб кетди. Хатто Гулшан томонга кайрилиб караб кўймади. Эхтимол, узокданок бу ердалигини кўргандир? Гапни чуватмаслик учун ўзини билмаганга солгандир?

Йўлакнинг эшиги "карс" этиб ёпилганида ўзига келди. Икки чаккаси зўрикиб огрирди. "Хатто гаплашгиси хам келмади-я, – хаёлидан ўтказди Гулшан. – Демак, уйда Мавлонни ўша хушсурат маъшукаси кутяпти. Сен эса куя еган рўмолдай бекадр ва нокераксан".

Гулшан уй олдида узок туриб колди. Деразадан кўз узмай тикилди. Хонада чирок ёнганини, икки соянинг гох бирлашиб, гох ажралиб кетишини изтироб ва рашк аралаш энтикиб кузатди. Ноилож ортга кайтаркан, дув-дув тўкилаётган кўз ёшларини артиб улгуролмасди.

(Давоми бор...)

Ахмад МУХАММАД ТУРСУН

